

四庫全書

經部

欽定四庫全書

詩緝卷三十四

宋 嚴粲 撰

閔予小子之什

周頌

閔予小子嗣王朝於廟也

朝音潮○箋曰嗣王謂成王也除武王之喪將始即政朝

也於廟

閔予小子

箋曰閔悼傷之言也○李氏曰左傳云寡君少遭閔凶予不能文是閔者居喪之稱○曹

氏曰曲禮云天子未除喪曰予小子然洛誥云予小子其退即辟于周蓋成王常以冲幼自處故每稱之耳

遭家不造

箋曰造猶成也○李氏曰王嫫嫫在疚嫫音氏以為武王天下未集而終

李氏曰此嫫與哀此嫫獨之義同嫫嫫者孤獨也左氏

亦有在疚之文亦是居喪之稱也王雖朝於廟然去喪

未甚遠故猶以死喪之於乎皇考於乎音烏呼○箋

辭為言○傳曰疾病也於乎皇考曰皇考武王也永

世克孝

蘇氏曰終身能孝

念茲皇祖

箋曰皇祖文王也

陟降庭止

箋曰陟降

上下也○傳曰庭直也○張子曰周道如砥其直如矢

聖人之心至平至直不難行人自多邪曲耳○李氏曰

文王俯仰之間皆盡其直道文王之詩云文王陟降在

帝左右文王之心俯仰無間無有愧怍洋洋乎如其

上如在其左右而武王之所以繼志述事者亦本於此

易曰敬以直內能敬則其不直矣○補傳曰止語辭

維予小子夙夜敬止於乎皇王

錢氏曰皇王武王也○今曰文王有聲稱文王

曰王后武繼序思不忘

傳曰序緒也。○疏曰以世世相繼如絲之端緒故轉為緒

成王除喪朝廟感傷而言曰可悼閔乎我小子耳遭
武王崩家道未成嬛嬛然孤特在憂病之中未知攸
濟也於是迷武王繼文王之事於乎可嘆美者我皇
考武王終身能孝能念我皇祖文王一陟一降直而
無私此武王之所以為孝也直者純乎天理之公也
今我小子當早起夜卧敬謹而行之於乎可歎美者
我皇王武王也我繼其序思其所行不敢忘也以武

王能念文王則我當不忘武王也○說者以陟降庭止為若見文王陟降於庭然下篇紹庭上下其義難通大田既庭且碩韓奕幹不庭方周官四征弗庭庭古注皆訓為直庭之為直見於經多矣不必易也

閔予小子一章十一句

訪落嗣王謀於廟也

傳曰謀者謀政事也

訪予落止

傳曰訪謀也落始也○朱氏曰訪問也○曹氏曰凡宮室始成則落之故以落為始君子

以作事謀始之不謀其終能無違者鮮矣

率時昭考

傳曰率循也○箋曰昭明也○疏曰昭考

武王也。朱解見裁見。

於乎悠哉

於乎音烏呼。傳曰悠遠也。

朕未有艾

音礙。徐音。

刈○什詁曰艾歷也。

將予就之

曹氏曰將扶將也。○今日無將大車牋云將猶扶進也。

繼猶

判渙

音喚。○傳曰猶道也。判分也。渙散也。

維予小子未堪家多難

如字。協韻去聲。

紹庭上下

箋曰紹繼也。○疏曰武王能繼文王以直道施於上下。

陟降厥家

朱氏曰家。

猶言休矣皇考

箋曰休美也。皇考武王也。

以保明其身

朱氏曰保安也。明顯也。○

王氏曰保其身無危亡之憂明其身無昏塞之患。

成王始即王位恐不能繼聖父之業故於廟中與群

臣謀之言我謀訪始初之法在率循我明德之考武

王固也然所歎者昭考之道悠遠而不可及予幼稚
未有所歷爾群臣幸扶將我以就之尚恐繼其道而
判渙不合也又自言予幼稚小子未堪王室之多難
其能紹文王之直道施於上下俯仰於家未嘗少離
者唯美哉皇考武王能以此保明其身也

李氏曰仰先王之盛

德歎眇躬之涼薄苦前哲之高遠也○曾氏曰雖不言繼序思不忘然歎美皇考則此意在其中矣

訪落一章十二句

敬之羣臣進戒嗣王也

陳氏曰嗣王於祭之明日繹賓尸而羣臣與焉既作謀政之詩

以發群臣之志而作頌者又設群臣進戒之詩以荅之又形容嗣王虛己求言之意為群臣者當何如哉

敬之敬之天維顯思

李氏曰天之道甚顯善則福之淫則禍之裁者培之傾者覆之未有

善而不獲福也未有惡而不獲禍也天之道顯○朱子曰思語辭也命不易哉易毛音異鄭音亦○

李氏曰惟天有顯道故具命靡常此命所以為不易也無曰高高在上陟降厥士

傳曰士日監在茲箋曰監視也維予小子不聰敬止

解頤新語曰不

間敬天日就月將朱氏曰將進○箋曰日就月將言當習之以積漸也學有緝熙

于光明王氏曰緝績也熙廣也佛時仔肩

佛毛如字鄭音彌仔音茲○箋曰佛輔也時是

也仔肩示我顯德行去聲

作頌者設為群臣進戒之辭曰敬之哉敬之哉敬而
又敬勉之以誠之不已也天道甚明禍福不爽故予
奪靡常其命不易保也無謂其高高在上遠人而不
吾察也王一陟一降之事天無日而不監視于此無
微不顯所以不可不敬也於是又設為成王答之之
辭曰維我小子未聞敬之之道謂群臣所言當敬之
事乃天人精微之理今聞所未聞也所願學焉庶幾
日有所成月有所進習之以漸緝績熙廣以至於其

道光明我負荷天下其任甚重爾群臣當輔佛我此
任有以正救之無為面從容悅必示我以顯然之德
行使我有所則效也○輔謂之佛者言正救其失不
專順從之也學記云其求之也佛佛不順也猶孟子
所謂法家佛士也仔肩為負荷之意故為任生民是
任是負忝啻我任我輦皆謂肩任之也或以士為人
材然勿士行杖只得訓事古訓不可廢也

敬之一章十二句

小恙

音

嗣王求助也

箋曰天下之事當謹其小小時不謹後為禍大故成王求忠臣早輔

助已為政以救患難

予其懲

箋曰懲父也父音刈

而必後患

傳曰必慎也

莫予荇蜂

荇今音烹舊音

傳○王氏曰荇使也蜂善辛螫○曹氏曰成王之遇辛

螫也豈有使蜂螫之哉實自求之而已○今日抑莫予

云觀莫無也桑柔荇云不逮毛云荇使也普耕反音烹

徐蒲耕反音耕書洛誥俾來以圖及獻卜音義同今毛

以荇蜂之荇為摩曳孫炎云謂相掣曳之於惡故音俾

今從王氏荇蜂為使蜂當音烹說文俾使也則荇讀作

俾亦可也摩自求辛螫音釋○疏曰

音翅尺制反自求辛螫音苦毒螫也

維鳥

折音藩○箋曰摩始也允信也○傳曰桃蟲鵯也鳥之始小終大者鵯音焦○釋鳥曰桃蟲鵯其雌

鵙鵙音艾。○郭璞曰鵙鵙桃雀也。俗名為巧婦鵙鵙小鳥而生鵙鵙者也。鵙音苗。○陸璣疏曰今鵙鵙是也。微氏曰說苑云鵙鵙巢於葦苕繫之以髮。鵙性拙。鵙性巧。故鵙俗呼巧婦。一名工雀。一名女匠。其喙尖利如鉅取茅秀為巢。巢至精密。以麻紮之。如刺戟然。故一名戟雀。其化輒為鵙鵙。紮音秩。縫紮也。○錢氏曰拊與翻同。○張氏曰猶言初為氣後為虎。不必謂桃蟲化為鳥也。○今曰此與舊說未堪家多難。傳曰堪予又集于蓼。○音了。異姑兼存之。曰集會也。○疏曰集會謂逢遇之也。○傳曰集于蓼言辛苦也。○朱氏曰蓼辛苦之物也。○錢氏曰蓼味辛而苦。

成王即政而求助於賢臣曰予其懲創於往時而畏

謹後患矣指管蔡之事也人近蜂則被其螫信小人則受其惑蜂不可使前日之事無人使蜂螫我乃我自取其辛螫也我今始信桃蟲之微能翻飛為鳥言小物之能成大不敢不誌也予未堪王室多難又會遇于辛苦之地爾群臣可不助我乎○莫予莽蜂猶云莫予毒也已古文莫予莫我之類皆倒提予我字以便文耳莫我肯德言無肯德於我莫予莽蜂言無莽蜂於我其他如莫我知莫予云靚之類皆倒辭也

小毖一章八句

載芟

音

春藉田而祈社稷也

箋曰藉田甸師氏所掌王載耒耜所耕之田天子千

畝諸侯百畝藉之言借也借民力治之故謂之藉田○疏曰月令孟春天子躬耕帝藉天子祈社稷以仲春與耕藉與月而連言之者雖則異月俱在春時故以春揔之祭法云王為群姓立社曰泰社王自為立社曰王社此二社皆應以春祀之但此為百姓所祭文當主於泰社其稷與社共祭亦當為太社社稷焉

載芟載柞

音窄

○芟曰載始也○傳曰除草曰芟除木曰柞○疏曰隱六年左傳云如農夫之務去

草焉芟夷蘊崇之是除草曰芟秋官柞氏掌攻草木及林麓是除木曰柞○曹氏曰秋官蒧氏掌殺草秋繩而芟之除草木是初墾闢而為田者也蒧音其耕澤澤

音

○釋文曰耕犁也○箋曰澤澤然解散○曹氏曰千耦

其芸

耦音偶芸音云本又作耘○今曰長沮桀溺耦而耕謂二人為耦而並耕此千耦其耘亦謂千人為

耦而並耘與十千維耦同○釋文曰芸除草也○曹氏曰反土之後草木根株有芟柞所不盡者則復耘之其

多至于徂隰徂畛音軫○今曰下濕曰隰○疏曰地千耦也徂隰徂畛音軫○今曰下濕曰隰○疏曰地

主侯伯

疏曰侯維也○傳曰侯亞侯旅傳曰亞仲叔主家長也伯長子也侯亞侯旅傳曰亞仲叔

彊侯以

箋曰彊有餘力者地官遂人云以彊予任毗以謂閒民今時備貨也予音與毗音砥○疏曰謂

其人彊壯治一夫之田仍有餘力能佐助他事者也太宰以九職任萬民其九曰閒民無常職轉移執事鄭司

農云閒民謂無事業者轉移為人執事若今時備力也僖二十六年左傳云凡師能左右之曰以有飧

其饁

噴音飮他感反饁音葉○李氏曰噴衆人飲思媚

其婦

錢氏曰思語助○箋曰媚愛也有依其士今曰依就也○曹氏曰

愛其婦婦不憚饁餉之煩而有略其耜音似○傳曰略利也○曹氏曰

利則入倣載南畝倣音觸○倣解見七月播厥百穀箋曰

種也○曹氏曰百穀之性其寒暑濕燥高下早晚各有

實函斯活

函音含○箋曰實種子也函含驛驛其達驛音

亦○蘇氏曰驛驛苗生貌○箋曰達出地也有厭其傑厭去聲下同○王氏

○箋曰傑先長者長音厭厭其苗箋曰厭厭其苗衆齊

之貌苗齊等動搖音標表驕反○傳曰庶芸
厥厥然若積疊之音標表驕反○疏曰孫炎云絲絲言

詳密也○王氏曰前曰千耦其芸則既耕而芸○今日
絲絲其庶則既苗而芸既苗而芸則以絲絲為善恐傷

苗也載穫濟濟穫音獲○朱氏曰濟濟人有實其積
又如

字○箋曰有實實成也今日上言實函萬億及秭
音為

斯活此言有實其積皆以實為穀實萬億及秭
音為

酒為醴烝畀祖妣以洽百禮四句並解
有飮其香飮音

之別○傳曰飮芬香也○詩邦家之光有椒其馨
曹氏

故曰飮香也謂酒之氣也詩
邦家之光有椒其馨曹氏

椒皆酒醴芬芳之氣○疏曰椒是木名非香氣也但椒
木氣香作者以椒言香○詩故曰椒之氣烈故古者謂

椒酒取其香且烈也○補傳胡考之寧
傳曰胡壽也考

曰楚辭云奠桂酒兮椒漿胡考之寧
成也○李氏曰

胡考者老人也士冠禮祝云永享胡考注云胡遐也○
疏曰僖二十三年左傳云雖及胡考周書諡法保民者
父曰胡胡考老而有成德也解頤新語曰說文云胡生
領垂也又老狼亦垂胡今老者或有此狀故詩人取之
匪且有且○如字又咀之平傳曰且此也匪今斯今振古如茲○
傳曰振

朱氏曰猶言
自古有年也

此祈社稷之詩言人事已盡神其念之芟柞草木是
新墾闢之田專言新墾闢之田者其用力尤難故也
始芟以除其草始柞以除其木草木之根既去然後
耕犁之其土氣烝達釋釋然解散矣既耕犁以反其

上猶有草木根株芟柞所不盡者又千人為耦而芸
以去之耦以言並作千以言其多或往下濕之隰或
往溝上之畛言耕夫遍于原野無曠土也其往者何
人乎維主則家長也維伯則長子也維亞則仲叔也
維旅則衆子弟也維強則借助之彊壯也維以則傭
雇之閒民也言衆力競勸無游民也當饔餉之時有
噉然衆人飲食之聲其耕夫則愛其婦其饔婦則就
其夫夫耕婦饔然相愛見治世和樂之氣象焉有

略然剡利之耜始有事於南畝而耕之前言其耕澤
澤謂轉新墾之土此言俶載而耕之謂始耕而將種
也前所耕猶荒地今所耕乃成田故稱南畝也百穀
皆播種之其種子曰實皆含生氣驛驛然而生出土
而條達乃有厭然受氣澤厭足者是先長傑特之苗
也厭厭然齊等者是其衆苗也既苗則又繇繇然詳
密而芸之不詳密則傷苗也芟芸廩皆除草也芟與
柞並言是新闢為田先除其地上之草木也既耕而

言芸是反土之後除其土中之草木根株也既苗而言廩是除其苗間之草也至於成熟則穫刈之濟濟然其人之衆其穀實皆積聚之其數之多有萬與億而及秭也及以為酒以為五齊之醴齊進予先祖先妣而祭祀所以會合其事神之衆禮衆物皆所以為禮而行禮以酒為主也此酒醴有飴然之香氣以饗賓客則時和禮備而為邦家之光有如椒之馨以養耆老則老人之安寧以上皆秋冬豐熟之事而春祭

言之蓋以此祈於神也又言非特此方有此豐年也

非特今方有今豐年也自古以來皆如此言神之降

康久矣繼此以往願其勿替也

李氏曰噫嘻豐年其說為略載芟良耜其

說為詳蓋祈上帝所以尊之也故其辭略祭社稷所以親之也故其辭詳

載芟一章三十一句

良耜

音似

秋報社稷也

疏曰經言百室盈止婦子寧止乃是場功畢入當十月之後而專言

秋報也者作者先陳人事使畢然後言其報祭其實報祭在秋寧止在冬也

芟芟良耜

芟音測○曰芟芟猶測測也○疏曰芟芟是刃利之狀○舍人曰芟芟耜入地之貌○芟

曰良善也○
報解見七月
叔載南畝播厥百穀實函斯活
三句並解見載芟

或來瞻女

音汝○箋曰瞻視也有來視女謂婦子來瞻者也○錢氏曰視猶省也

載筐及

筐

筐音匡舉○箋曰筐音所以盛黍也

其饌伊黍

饌音餉○箋曰豐年之時雖賤者猶食黍

○疏曰少牢特牲大夫士之祭禮食有黍明黍是貴也玉藻云子卯稷食菜羹為忌日賤而用稷者為賤也賤

曰當食

其笠伊糾

音九○傳曰笠所以禦暑雨也○補傳曰糾縹也所以繩縹而成也○錢

氏曰其

其縛斯趙

縛音博趙迢之上濁又如字○傳曰趙刺也

以屨

荼蓼

音蒿徒了○說文曰搗拔田草也○疏曰蓼是穢草茶亦穢草非苦菜也釋草云茶委葉王肅云茶

陸穢蓼水草然則所由田有原有隰故並舉水陸穢草○三茶考見邶谷風○箋曰盭者見載糾然之笠以田

器刺地婦去茶蓼之事
言閨其勤苦刺七亦反
茶蓼朽止黍稷茂止穫之

音室○傳曰積之粟粟
積音恣○今曰聘義言玉云
穀

堅實其崇如墉
○傳曰崇高大也
其比如櫛
比音備櫛側

比迫也○說文曰櫛梳篦總名○疏曰其比
迫如櫛齒之相次○朱氏曰理髮器言密也以開百室

箋曰一族同時納穀○疏曰地官大司徒五家為比五
比為閭四閭為族是百室為一族於六鄉則一族於六

遂則一鄒遂人云百夫有洹故知百室共洹間而耕鄒
音墓○曹氏曰百室在六鄉為族而族師掌以歲時校

登其夫家之衆寡在六遂為鄒長掌趣其耕耨與其戒
令政事莫不同之故使之同時納穀所以示親睦均有

無也趨
百室盈止婦子寧止殺時惇壯
惇閨之平○傳
音促

特○疏曰地官牧人云凡陰祀用黝牲毛之注云陰祀祭地北郊及社稷也然則社稷用黝牛今用黃者蓋正禮用黝至於報功以社是土神故用黃色仍用黑唇也○曹氏曰古之人享其成必思其所自以為百室盈而婦子寧者社稷之功故於是而報焉地之色以黑為正以黃為美故陰祀用黝牲正其義也社稷用特美其功也○黃氏曰戴芟言以洽百禮者願其豐年之慶而百神之祀皆無所闕也良耜言穀時特牲者則專主祭社稷而有揀其角揀音求○大東傳曰揀長以似以續蘇言也貌○傳曰社稷之牛角尺以似以續蘇氏曰興來歲續古之人曹氏曰續古之人則先農繼往歲也先晉之功永永無窮矣

此詩為報社稷必陳農功之本末故當秋時而追述春耕預言冬穫也言農人以耒耜然刃利之善耜始

有事於南畝而耕之以播種其百穀其種子曰實皆
函生氣而生農人在南畝之時有來省視汝者乃其
婦也載其方箱及其圓筥所盛之饌維是黍也黍貴
者之食農人食黍見豐年也饌者見農夫所載之筥
糾結其緣以鋤鋤之器趙刺其地薺去陸草之茶水
草之蓼荼蓼皆穢草既朽敗矣黍稷乃茂盛矣及其
成熟乃穫刈之其穫聲恡恡然及積聚之粟粟然堅
實所積聚者其崇高如城雉其比迫如櫛齒於是開

一族之百室一時而納之百室既盈矣婦與子則安寧矣年熟民安乃殺是黃牛黑唇之犝牡其角抹然而長用之以報祭社稷求嗣歲之豐續古人先農先嗇之功也

良耜一章二十三句

絲衣繹賓尸也

箋曰繹又祭也天子諸侯曰繹以祭之明日卿大夫曰賓尸與祭同日周繹商

謂之彤○疏曰祭宗廟之明日又設祭祀以尋繹昨日之祭謂之為繹以賓事所祭之尸經之所陳皆繹祭始

末之高子曰靈星之尸也

疏曰子夏作序唯一句而已後世有高子者別論他事云

靈星之尸言祭靈星之時以人為尸後人以高子言靈
星尚有尸宗廟之祭有尸必矣故引高子之言以證賓
尸之事必是子夏之後毛公之前有人著之高子者不
知何人孟子弟子有公孫丑者稱高子之言以問孟子
則高與孟子同時趙岐以為齊人言高子蓋彼是也靈
星者不知何星漢書郊祀志云高祖詔御史其令天下
立靈星祠張晏云龍星左角曰天田則農祥也晨見而
祭之史傳之說靈星唯有此耳未知高子所言是此否
絲衣其紆乎淳反○傳曰絲衣祭服也紆絮鮮貌○疏
衣也○曹氏曰餘衣皆用布惟冕與爵弁服用絲大夫
以上祭服謂之冕士祭服謂之弁其首服弁則其衣用
絲故知絲衣為載弁倮倮載如字又音載弁音卞倮音
士助祭之服也載弁倮倮求○箋曰載猶載也弁爵弁
也爵弁而祭於王士服也繹禮輕使士○疏曰若正祭
則小宗伯省牲眡滌濯逆盥省鍍告時于王告備于王

彼正祭禮重使小宗伯此繹祭輕故使士蓋亦宗伯之屬載弁者俅俅則俅俅人貌則為恭順言平者恭順則尊者可知璽音咨○曹氏曰雜記云大夫冕而祭於公弁而祭於已士弁而祭於公冠而祭於已注云弁爵弁

也冠玄冠也爵弁冕之次其色赤而微黑如爵頭然其制與見同而其前不俛○傳曰俅俅恭順貌

徂基

箋曰使士升門堂視壺濯及籩豆之屬降往其基告濯具○傳曰基門塾之基塾音孰○疏曰釋宮

云門側之堂謂之塾孫炎云夾門堂也直言自堂徂基何知非廟堂之基者以繹禮在門不在廟故知非廟堂也郊特牲云繹之於庫門內祔之於東方失之矣繹於門內為失明其當在門外祔以東方為失明其當在西方是祔之與繹一時之事禮器云為祔乎外注云祔祭明日之繹祭也謂之祔者於廟門外之傍因名焉基是門塾之基謂廟門西

自羊徂牛

傳曰自羊徂牛言先小後大也○箋曰又視牲

夾之堂基也祔音緝

從羊之牛反告充○疏曰自堂徂基但言所往之處不言所為之事牛羊但言所視之物不言所往之處互相

足鼎鼎及鼎鼎音耐鼎音茲○傳曰大鼎謂之鼎小鼎謂之鼎○箋曰已乃舉鼎審告絜禮之次

也鼎圓弁土謂之鼎兕觥其觥○音求○兕觥解見卷耳審亡歷反弁古掩字

觥變於祭也○曹氏曰旅酬之後恐有失禮者以此罰之○觥解見桑扈○疏曰兕觥罰爵觥然徒設無所用

之旨酒思柔朱氏曰思語不吳不敖吳如字又音話教去聲○傳曰吳諱

也○李氏曰大聲也○曹氏曰言語則謹默而不諱威儀則恭敬而無教○疏祭末舉其不慢則當祭敬明矣

胡考之休胡考解見哉斐

此述繹祭之事上五句言祭之初下四句言禮之末

方繹祭之初使士行禮在身之服以絲為衣其衣絺
然而鮮絜在首戴爵弁其人俅俅然恭順此士從門
堂之上既視壺濯及籩豆又降往於門塾之基告君
以濯具也又更視三牲從羊而往牛所以告充也
充肥
也
有大鼎曰鼐小鼎曰鼯又發舉其審所以告絜也
反覆展視所以致勤敬也祭初卑者恭順則尊者可
知矣至於祭末旅酬之節兕觥罰爵觶然上曲徒設
而不用由此助祭飲美酒者皆柔和不吳而謹誹不

教而倨慢故事如禮無所用罰祭末不慢則當祭敬明矣恭敬獲福宜其得壽考之休也

絲衣一章九句

酌告成大武也言能酌先祖之道以養天下也

說者多以酌即是勺然勺是成王之樂而此詩言告成大武其說難通今考象者文王之舞也故維清象舞之樂章其詩言文王之典武者武王之舞也故武頌武舞之樂章其詩言武王之烈勺是成王之舞樂

莫盛於韶勺者謂皆繼治世之事故為樂之盛也若
酌頌果為勺舞之樂章必當述成王繼承之事今其
詩止述武王用兵創業首序又云告成大武則此酌
亦是武舞之樂章非勺舞之樂章矣禮記言十三學
舞勺漢禮樂志言周公作勺其字皆單作勺此酌其
字從酉傍雖皆為斟酌之義然所斟酌之事則不同
勺舞言成王能酌文武之道以保太平之治也此酌
頌言武王初則遵養繼則躋躋酌其時措之宜也左

氏傳以武頌為武之卒章以賚為武之三以桓為武之六朱氏謂桓賚二篇皆大武篇中之一章其言信而有證朱氏又以酌及賚般皆不用詩中字名篇疑取樂節之名如曰武宿夜云耳然則酌與賚般一體亦大武篇中之一章明矣但古今制樂皆沿襲前王之樂而為之張子謂勺是周公制禮樂時於大武有所增添其說是也如漢武德舞高祖所作象其除亂蓋武舞也其後孝景采武德舞為昭德舞以尊太宗

孝文之廟則為文舞矣周公增損大武以為勺亦猶是也勺舞必自有樂章今不得而考耳講師見此頌名酌遂以酌祖道養天下之說攬入之此正說成王之勺非武王之酌也兼此詩所言遵養亦非謂養天下也

於鑠王師

於音烏鑠舒灼反○朱氏曰鑠盛也○疏曰毛以為武王鄭以為文王○今曰王師王之

造皆武王也

遵養時晦

傳曰遵率也○朱氏曰言武王之初有於鑠之師而不用○蘇氏曰退自

循養與時偕晦時純熙矣

箋曰純大也○蘇氏曰熙光也

是用大介

箋曰介助也○蘇氏

曰天下無不助之

我龍受之

箋曰龍寵也。李氏曰武王寵而受之。

蹻蹻王之造

○蹻音蹻造

毛音早鄭音慥

載用有嗣

李氏曰是用後實世嗣績而不絕

維爾公

句

允師

李氏曰其所以傳嗣而不絕者蓋能合天下之公而信於衆也

於乎盛哉武王之師也其初有衆而不用退自循養

與時偕晦非有心於得天下也既而時大熙明天下

之人無不助之武王乃不得已而寵受之於是蹻蹻

然威武以興事造業是用嗣績以傳之後世實由爾

武王之至公足以信於衆也順天之心者公也信

者公之洽允者信之固也

酌一章九句

桓講武類禡也

禡音罵○箋曰類也禡也皆師祭也○疏曰武王將欲伐殷講習武事又為類

祭於上帝為禡祭於所征之地治兵祭神然後克紂至周公成王太平之時詩人追述其事而為此歌焉王制云天子將出征類乎上帝禡於所征之地春官肆師云類造上帝類禮依郊祀而為之者春官肆師云凡四時之大甸獵祭表貉則為位注云貉師祭也於立表處為師祭祭造軍法者禱氣勢之增倍也其神蓋蚩尤或曰黃帝禡周禮作貉又或為貉字古今之異也甸音田貉莫駕反鄭音陌
桓武志也
王氏曰桓武志也而曰終萬邦婁豐年則其為武志也異乎人之武志矣○解頤新語曰講武而類于上帝禡于所征之地皆

師祭也此為武王伐商之事明矣然是時有其事而無其詩以頌聲未作故也至成王制禮作樂於是作此頌以歌其事以告於武王序詩者謂之武志蓋發明武王將出征而講武焉其志已欲保厥士而用四方定厥家而昭于天後果能如其志可謂善得詩人之旨也○朱氏曰左傳以此為大武之六章

綏萬邦

箋曰綏安也

婁豐年

婁音屢○箋曰婁也誅無道安天下則亟有豐熟之年陰陽

和也亟音彙○李氏曰綏萬邦言武王之用兵所以安萬邦故能享豐年之報老子云大兵之後必有凶年軍旅所起荆棘生焉蓋以大兵之後殺戮為多傷天地之和氣此所以凶年也武王之用兵志在於容民畜衆非快一己之私欲蓋為天下除害故能召天地至和之氣所以獲豐年之報也孔氏舉僖十九年左傳云昔周饑克殷而年豐是伐紂之後即有豐年也孔氏徒見左氏之言與詩合然不知周豈有饑哉如其有饑則不足為

妻豐音懈天命匪解蘇氏曰天命之於周久而不厭也桓桓武王錢氏曰桓桓威

貌武保有厥士李氏曰士與熊羆之士虎賁之士同于以四方克定厥家於

昭于天於音鳥皇以間之間去聲。箋曰皇君也。傳曰間代也。今曰多方云有邦間之

武王克商以安天下數有豐年是天命之於周久而不倦也天命所以不倦者由桓桓然有威武之武王能保有其衆以用之於四方而安定其國家故歎美其德昭明于天遂君天下而代商也

桓一章九句

賚

音賴

大封於廟也

箋曰武王伐紂時封諸臣有功者○疏曰大封則所封者廣宣十二年左

傳云昔武王克商而作頌其三曰敷時繹思我祖維求定昭二十八年左傳云昔武王克商光有天下其兄弟

之國者十有五人姬姓之國者曰十人皆舉親也廟謂文王廟也祭統云古者明君必賜爵祿於大廟示不敢

專也○李氏曰宣王之時命孝公為侯伯命之於夷宮亦是不敢自專也為天子者封功臣必告於廟為諸侯

者班爵祿亦在於廟衛之周治既服將命賚予也○予上則知亦在於廟然不知時任者非人也

言所以錫予善人也

疏曰武王太封功臣以為諸侯周公成王太平之時詩人追述其事

而為此歌焉○李氏曰語云周有大賚善人是富○朱氏曰左傳以此為大武之三章

文王既勤止

錢氏曰止語解

我應受之

傳曰應當也

敷時繹思

朱氏曰敷

布繹習也。○錢氏曰繹紬也。

我祖維求定時周之命

錢白是周之所受天命而王

之所由也於繹思於音烏

武王既封諸臣於廟因戒勅之言文王勤勞天下至矣我當而受之敷布其事而紬繹思念之不敢忘也敷言所思之廣也我自今以往維求天下之安定而已此周之受天命也又歎使諸臣受封賞者繹思之亦不可忘也念文王創業之難及念上天安民之意則所用皆善人可知矣

賚一章六句

殷

音

巡守而祀四嶽河海也

巡守

音句狩。蘇氏曰殷

下巡行諸侯所守之土祭祀四嶽河海之神神皆饗其祭祀降之福祚至周公成王太平之時詩人述其事而

作此歌焉中嶽無事故序不言漢書溝洫志云四瀆河為宗然則河為四瀆之長言河可以推之經無海而序

言海者海是衆川所為歸經雖不說祭之可知曹氏曰時邁為武王巡守之頌則殷頌成王矣

於皇時周

於音烏

皇君也

陟其高山

箋曰陟

登也

隴山喬嶽

隴

之上。釋文曰隴山形狹長也。傳曰山之隴小者也。箋曰喬高也。

允猶翕河

箋曰允

信也

李氏曰猶謀也。傳曰翕合也。蘇氏曰翕河大河受衆水者也。今日禹貢河自大陸北播為九河同為逆

河注云同合為一大河名逆河然則翕河即逆河也敷天之下箋曰敷徧也哀時之對


夜音格○傳曰哀聚也○疏曰對配也○疏曰配祭之時周之命箋曰徧天之下衆山川之神皆

如是配而祭之是周之所以受天命而王也○錢氏曰周之所以為百神主也

於乎君哉是周家也其巡守所至則登其高山又及
隨然狹長之小山與喬高之四嶽皆徧祭之高山隨
山則祭法所謂山林丘陵能出雲為風雨皆曰神者
也喬嶽則四嶽也又以誠信謀猶大河而祭之謀如
載謀載惟謂討論其禮也徧天之下凡山川之神皆

哀聚而昭對以祀之此周之所以受天命而為神主也對者有對越無愧之意以天命在焉故也

般一章七句



詩緝卷三十四

欽定四庫全書

經部

詩緝卷三十五

詳校官監察御史_臣孫家賢

通政使司副使_臣莫瞻菴覆勘

總校官進士_臣繆琪

校對官中書_臣潘奕雋

謄錄監生_臣王遇亨

欽定四庫全書

詩緝卷三十五

宋 嚴粲 撰

魯頌

詩曰魯者少昊摯之墟也周公歸政成王封其元子伯禽於魯其封域在禹貢徐州大野蒙羽之野自後政衰國事多廢十九世至僖公當周惠王襄王時而遵伯禽之法養四種之馬牧於坰野尊賢祿士脩泮宮守禮教僖十六年冬會諸侯于淮上謀東畧公遂伐淮夷僖二十年新作南門又脩姜姬之廟至於復魯舊制未偏而堯國人美其功季孫行父請命於周而作是頌○疏曰脩泮宮春秋不書者脩謂舊有其宮脩行其教學之法

功費微少非城郭都邑例所不書也春秋經傳僖公無
伐淮夷之事案左傳僖十六年冬公會諸侯于淮未歸
而使師取項公為齊所止十七年方始得還傳曰書曰
公至自會猶有諸侯之事焉且諱之也經傳無伐淮夷
文者當是史脫漏脩姜嫄之廟春秋不書者魯國舊有
此廟史脩理之用功少例所不書也○朱氏曰魯今襲
慶東平府沂密海等川即其地也夫子云魯之郊祀非
禮也周公其衰矣而程子亦云成王之賜伯禽之受皆
非也蓋不與其僭也然則刪詩之際何取乎此而著于
篇乎曰著之所以見其僭也春秋書郊禘大雩雉門兩
觀猶是意也削之則沒其實矣抑魯於天子禮樂有得
用之文而是頌之作又嘗請命于天子而為之其辭特
以贊美當時之事其體猶列國之風非若商周天子之
頌用於祭祀以詠歌先祖之功烈也聖人於此以為其
文若可以無嫌者故其文予之而實則不予也況夫子
魯人亦安得而削之哉或曰魯之無風何也先儒以為

時王褒周公之後比於先代故巡守不陳其詩而其篇
第不列於大師之職是以宋魯無風其或然歟或謂夫
子有所諱而削之則當時列國大夫賦詩相屬及吳季
子觀周樂於魯皆無曰魯風者其說不通矣○曹氏曰
明堂位云成王命魯公世世祀周公以天子之禮樂祀
帝于郊配以后稷天子之禮也若魯公果受成王之命
則當自伯禽以後踵而行之矣由伯禽至僖公凡十有
八世考諸春秋史記皆未嘗行郊禮而惟僖公行之豈
成王之命獨豫加於僖公歟故知其僭自僖公始也夫
以諸侯而僭天子之禮天子雖不能討而天亦吐之是
以僖三十一年夏四卜郊不從乃免牲宣三年春郊牛
之口傷改卜牛牛死乃不郊成七年春鼯鼠食郊牛角
乃不郊襄元年春鼯鼠食郊牛角定十五年鼯鼠食郊
牛角牛死皆改卜牛然則天之不畝其祀亦可見矣夫
祭天天子之大禮也而猶敢僭
焉則其僭而作頌抑其次也

魯頌頌之變也周之王也積累深久由風而雅雅而頌及其衰也至懿風始變至厲雅始變至平雅遂亡頌聲之息前乎風雅之變矣越桓莊僖惠至襄而魯乃有頌雅頌天子之詩也頌非所施於魯况頌其郊乎考其時則非揆其禮則誅汰哉克也不如林放矣聖筆不刪其以著魯之僭而傷周之衰歟是故雅變而亡頌亡而變雅之亡甚於變頌之變甚於亡也駟實風耳存其頌名而謂之變頌可也

駟古葵反

頌僖公也

疏曰舒瑗云魯不合作頌故每篇言頌明生於不足也僖公名申莊公子

閔公卒季友立之當惠王襄王時

僖公能遵伯禽之法儉以足用寬以

愛民

疏曰儉以足用寬以愛民說僖公之德與務農重穀為首引於經無所當也

務農重穀

牧于坰野

坰音駟

魯人尊之於是季孫行父請命于周

音父

甫○箋曰季孫行父季文子也○朱氏曰請命之事不見於春秋豈行父使人請之歟

而史克作

是頌

箋曰史克魯史也○疏曰此頌之作在僖公薨後知者以大夫無故不得出境上請天子追頌君德

雖則羣臣發意其行當請於君若在僖公之時不應聽臣請王自頌已德明是僖公薨後也文六年行父始見於經十八年史克名見於傳則克於文公之時為史官矣然則此詩之作當在文公之世其年月不可得而知

也駟頌序云史克作是頌廣言作頌不指駟篇則四篇皆史克作閔宮云新廟奕奕奚斯所作自言奚斯作新廟耳而漢世丈人班固王延壽之等謂魯頌是奚斯作之謬矣文十八年左傳稱季文子使太史克對宣公知史克魯史也此雖昔名為頌而體實國風非告神之歌故有章句也

孔氏考魯頌作於僖公身後非也今觀閔宮等篇多

未有所實而願其如此如曰俾爾耆艾黃髮兒齒晬

然為生前祝頌之辭蓋生前作之後乃聞之天子以

文過耳未必得請而後作也牧馬一事耳頌於何有

駟駟牡馬

傳曰駟駟良馬腹幹肥張也

在坰之野

傳曰坰遠野也邑外曰郊郊外曰野

野外曰林林外曰垌。○箋曰必牧於垌野者避民居與良田也。周禮云以官田牛田賞田牧田任遠郊之地。○李氏曰垌之野其水草甚美既不害於農又使馬得其所養。詩言務農重穀但觀牧馬於遠方之地則可見矣。

薄言駟者

程子曰薄言發語辭。○劉有駟有皇。○駟音事氏曰薄言者聊言之而已。釋畜

曰驪馬白跨驕黃白皇跨苦化反。○疏曰孫炎云驪黑色郭璞云跨驪間所跨據之處。○皇解見東山驛比陸

二有驪有黃

傳曰純黑曰驪黃驛曰黃。○疏曰其驪與黃爾雅無文月令孟冬駕鐵驪象時之色

檀弓云夏后氏尚黑戎事乘驪驛赤色也黃驛謂黃而雜赤色者

以車彭彭

如字音棚考見出車

○蘇氏出車解思無疆曹氏曰思無疆言其思之廣也思馬斯臧箋曰臧善

也

有駟駟然腹幹肥張之牡馬其牧養之乃在遠野之
坳不以妨農也略言其駟駟者是何馬乎乃有駟皇
驪黃之四色用之以駕車則彭彭然壯盛此由僖公
思慮廣大無疆所思乃至於馬牧之得所而馬思善
然僖公未能思無疆也

駟駟牡馬在坳之野薄言駟者有騅

騅音追騅音至○釋畜曰

蒼白雜毛騅黃白雜毛騅○郭璞曰騅即今騅馬也騅今之桃華馬也○疏曰二者皆云雜毛是體有二色之一毛色之間雜上云黃白曰皇黃騅曰黃止有騅有騏
音其傳

曰赤黃曰騂蒼祺曰騂。○疏曰騂騂爾雅無文騂為純赤色上云黃騂曰黃謂黃而微赤此云赤黃曰騂謂赤而微黃騂者黑色之名蒼騂曰騂。○以車伍伍音五。○傳曰騂謂青而微黑今之騂馬也。

思無期

曹氏曰思無期言其思之久也。

思馬斯才

傳曰多才也。○朱氏曰材力也。

駟駟壯馬在垌之野薄言駟者有驛有駟

驛音駢駟音駢

青驪驪驪白馬黑鬣駟驪音鄰郭良忍反。○疏曰孫炎云色有淺深似魚鱗也郭璞云色有淺深斑駁隱顯今

之連錢驪也鬣謂馬之駿也

有駟有騂

騂音留亦作駟騂音洛。○傳曰赤身黑鬣曰騂黑身白鬣

曰騂。○疏曰騂騂爾雅無文騂為赤色若身鬣俱赤則騂馬故赤身黑鬣曰騂即今之騂馬也。○以車

釋

音亦。○傳曰

思無斃

音亦。○箋曰斃厭也無厭倦也

思馬斯作

蘇氏曰作

奮起也

駟馬在坳之野薄言駟者有駟有駟

駟音因駟音退○釋畜曰

陰白雜毛駟形白雜毛駟○孫炎曰陰淺黑也○郭璞曰駟今之泥驄也形赤也

有驪有魚

驪音

草○傳曰豪骨曰驪骨閑之去音覓○疏曰驪爾雅無文骨者膝下之名謂毫毛在骨而白長○釋畜曰一目

白矚二目白魚矚音閑○郭璞曰似魚目

以車祛祛

起居反○傳曰祛祛強健也

思無邪

朱氏曰詩三百一言以蔽之曰思無邪蓋取諸此○蘇氏曰昔之為此詩者則未必知此也孔子讀詩至此而有會於其心是以思馬斯徂箋曰徂猶行也取之蓋斷章云爾

馬四章章八句

有駉

音獨

頌僖公君臣之有道也

箋曰有道者以禮義相與之謂也

有駉止述燕飲序辭衍矣

有駉有駉

傳曰駉馬肥彊貌○詩記曰興僖公有臣之壯盛也

駉彼乘黃

乘去聲○疏曰

四馬曰乘黃黃馬也

夙夜在公

箋曰早起夜寐在於公之所○錢氏曰在公家也

在公明

明

李氏曰職事皆脩明

振振鷖

振振解見周頌振鷖

鷖于下

歐陽氏曰振鷖取其能自脩潔

翔集有威儀也○曹氏曰于下其初翔而集也

鼓咽咽

音淵○傳曰咽咽鼓節也○朱氏曰鼓聲之深

長醉言舞

錢氏曰言語助○蘇氏曰僖公於是燕之以禮樂士之來者如鷖之集其醉者或起舞以

相樂和于胥樂兮

樂音洛○箋曰

于於也胥皆也

有駉然而肥强者維何乎其駉然肥强者是彼一乘之黃馬也連言有駉非一馬也馬肥強則致遠喻臣壯盛則勝任也其臣自早逮夜在於公家其在公家相與脩明其職言忠勤也僖公於是燕之以禮樂羣臣之來燕者皆脩潔而有威儀如振振然羣飛之白鷺翔集而來下也燕樂之時鼓聲咽咽然深長其醉者或起舞以盡其歡於是君臣之間皆喜樂也

有駉有駉彼乘牡

王氏曰牡剛強之材也

夙夜在公在公飲酒

箋曰言臣有餘敬君有餘惠

振振鷺鷺于飛

箋曰飛喻羣臣醉欲退也

鼓咽咽醉

言歸于胥樂兮

有駉有駉彼乘駒

音絢○釋畜曰青驪駒○孫炎曰色青黑之間○郭璞曰駒今之鐵

也

風夜在公在公載燕

箋曰載之言則也

自今以始

句歲其有

君子有穀

句○箋曰穀善也

詒孫子于胥樂兮

羣臣既燕而祝頌其君以為自今以始歲事其常豐

稔君子僖公有善道可以遺孫子於是君臣皆喜樂

也

有駟三章章九句

泮水

泮音判

頌僖公能脩泮宮也

曹氏曰泮宮閔宮皆魯所舊有僖公因而脩之

非大功業故春秋不書

思樂泮水

樂音洛宮之水也

王氏曰思語辭也○傳曰泮水泮宮之北如壁四方來觀者均也泮之言半

者築土壅水之外圓如壁四方來觀者均也泮之言半也半水者蓋東西門以南通水北無也○疏曰辟廡者築上為堤以壅水之外使圓如壁釋器云肉倍好謂之璧孫炎云肉身也好孔也身大而孔小然則璧體圓而內有孔此水亦圓而內有地是其形如壁也言四方來觀者均則辟廡之宮內有館舍外無牆院也泮宮必疑南有水者以行禮當南面而觀者宜北面蓄水木以節觀者宜其先節南方故知南有水而北無也好去上二

聲冬官玉人注云璧孔也

薄采其芹

音勤○箋曰芹水菜也○解見采菽魯侯戾止臣工

傳曰戾至也

言觀其旂其旂

音旂○李氏曰旂飛揚也○錢氏曰旂旂草葉多

貌旂下垂如葉之多也

鸞聲噦噦

音誨呼會反○王氏曰噦噦有節也○朱氏曰和也無小

無大從公于邁

箋曰于往也邁行也○李氏曰漢明帝問辟雍冠帶摺紳之人圍橋門而觀聽

者蓋億萬計

魯人以僖公能脩泮宮而喜之言樂哉此泮水我往

觀之而采其水中之芹也非以采芹為樂樂其脩泮

宮而託采芹以言之也僖公來至此泮宮我則觀其

所建之旂其旂旆旆然飛揚其鸞鈴之聲噦噦然有
節稱其儀物之美者喜其來至之辭如所謂聞車馬
之音見羽旄之美舉欣欣然有喜色也國人無幼無
長皆從公往行而至泮宮以觀行禮言人心翕然樂
從之也

思樂泮水薄采其藻

音早○藻解見台南采蘋

魯侯戾止其馬蹻蹻

音矯○傳曰蹻蹻言強盛也

其馬蹻蹻其音昭昭

音昭○李氏曰見其聲音之好音者

聲也○今曰孟子云何其聲之似我君也

載色載笑

傳曰色溫潤也○王氏曰載色載笑洪範所謂

而康而色也○黃氏曰即之也溫

匪怒伊教

曹氏曰猶夫子循循然善誘人也

僖公在泮宮笑語其聲音昭昭然明亮載色而和載笑而樂未嘗有怒唯教之而已

思樂泮水薄采其茆

音卯○曰茆蓴也○傳曰鳧葵也鳧音符○疏曰陸璣疏云茆與茆

菜相似葉大如手赤圓有肥者著手中滑不得停莖大如芡柄葉可以生食又可常滑美江南人謂之蓴菜或謂之水葵諸陂澤水中皆有○曹氏曰蘓人有茆菹糜糖以為朝事之豆魯侯戾止在泮飲酒既飲旨酒永錫難老

疏曰天長與之以難老之福

順彼長道屈此

羣醜

王氏曰屈服也醜衆也

僖公既來至泮宮則與羣臣飲酒既飲美酒皆祝頌
僖公願天長錫之以難老之福順從長遠之道以屈
服此魯國之羣衆也

穆穆魯侯

疏曰穆穆美也

敬明其德敬慎威儀維民之則

箋曰則法

也

允文允武昭假烈祖

假音格○朱氏曰假威格也烈祖周公魯公也

靡有不

孝自求伊祜

音戶

穆穆然美者僖公也能敬明其德又敬謹其威儀內
外皆善為下民之所法則也信有文矣信有武矣昭

格於功烈之祖周公伯禽也僖公所行無不盡其孝道以此得福乃自求之也

明明魯侯克明其德既作泮宮淮夷攸服矯矯虎臣

居矯

表反○箋曰矯矯武貌○今在泮獻馘

音國○解見皇矣

淑問

如臯陶

音遙○箋曰淑善也○疏曰善問獄者

在泮獻囚

傳曰囚拘也○疏曰所獻者是

不服之人瀆武臣之力殺其人而取其耳故使武臣如虎者獻之所囚者服罪之人察獄之吏當受其辭而斷其罪故使善聽如臯陶者獻之

有明明之德者僖公也能益明其德既作泮宮之後

將伐淮夷而服之有矯矯然威武如虎之臣於此泮
宮獻其所已殺而截其左耳以為馘者又有善問獄
之臣如臯陶者於此泮宮獻其所生執而囚之者古
者受成于學故出征執有罪反釋奠于學以訊馘告
詩人因其脩泮宮可以為獻功之地而頌禱之耳自
此以下皆然非有實事也

濟濟多士克廣德心

李氏曰夫人心可謂廣矣以其無所不至無所不有也惟其為血氣

所使一有毫釐之利則怨而爭其心於是乎隘惟其寬厚未嘗褊躁此其心所以廣也

桓桓于征

傳曰桓狄彼東南狄音別○釋文曰狄遠也○王氏曰桓武貌

氏曰敵人畏而遠之○箋曰東南斥淮夷 烝烝皇皇○箋曰烝烝猶進也○李氏曰皇皇大也○曹

氏曰其並進而嚮敵也烝烝不吳不揚○吳如字又音話然其合衆而為大也皇皇然

○李氏曰不告于訕音山○箋曰訕訟也○李氏曰左揚輕揚也 傳襄公二十六年楚子侵鄭鄭皇

頡戌之出與楚師戰敗穿封戌因皇頡公子圍與之爭

之正於伯州犂伯州犂曰請問於因乃立因伯州犂曰

所爭君子也其何不知上其子曰夫子為王子圍寡君

之貴介弟也下其子曰此子為穿封戌方城外之縣尹

也誰獲子因曰頡遇王子弱馬蓋爭其功者戰士之常

也僥倖一勝萬死一生之間惟圖厚賞而已則其爭功

無所不至在泮獻功

濟濟然衆盛之多士能廣大其德心並無褊躁忿爭之失桓桓然有威武之容而往行征伐攘遠彼東南之淮夷使之不得侵近邊境此多士勇於嚮敵烝烝然而進其勢之合皇皇然而大不吳而諠譁不揚而輕浮無有告於治訟之官者無爭訟也唯在泮宮之內獻其戰功而已

角弓其觶

音求○箋曰觶然言持弦急也○蘇氏曰弓健貌

東矢其搜

音蒐○傳曰五

十矢為束○疏曰孫卿論兵云魏氏武卒衣三屬之甲操十二石之弩負矢五十箇是一弩用五十矢矣孫則

毛氏之師故從其言以五十矢為束也大同寇云入束矢於朝注云古者一弓百矢其百箇與則鄭意以百矢為束尚書及左傳所言賜諸侯以弓矢者皆云彤弓一彤矢百以一弓百矢故謂束矢當百箇而在軍之禮重弓以備折壞或亦分百矢以為兩束故不易傳也其發則搜然而勁○箋曰搜然言勁疾也○蘇氏曰矢疾聲

戎車孔博

朱氏曰博廣大也

徒御無斃

箋曰無斃也

既克淮夷孔淑

不逆

箋曰淑善也

式固爾猶

箋曰猶謀也

淮夷卒獲

言角弓觥然而健一束五十之矢皆發之其聲搜然言勁疾也其戎車甚博大徒行者御車者皆競勸而無厭倦故能克勝淮夷甚善而不逆者兵凶戰危疑

於逆而不善今僖公伐所當伐以順而動也自今益
審固其謀猶則淮夷可以盡獲也皆頌禱之辭

翩彼飛鵀

翩音篇鵀音遙○傳曰翩飛貌○曰鵀怪鵀也解見陳墓門

集于泮林

疏曰

泮林泮水之林

食我桑黹

音甚字亦作甚○傳曰黹桑實也

懷我好音

箋曰懷歸也

憬彼淮夷

憬炯之上○李氏曰說文云憬覺悟也

來獻其琛

勅金反○傳曰琛寶也

元龜象齒

傳曰元龜尺二寸○疏曰漢食貨志云龜不盈尺不為寶

大賂南金

賂音路○

傳曰賂遺也南謂荆揚也遺音位○箋曰大猶廣也賂賂音賂君及卿大夫也荆揚貢金三品○疏曰左傳襄

二十五年晉帥諸侯伐齊齊人賂晉侯自六正五吏三十帥三軍之大夫百官之正長師旅及處守者皆有賂

金三品彼注云銅三色王肅以為金銀銅

有翩然而飛者惡聲之鴉烏今來集止於泮水之林
食其桑實乃改其鳴歸就我以善音喻淮夷慕泮宮
之化改惡從善也淮夷世為魯患未必慕泮宮之化
詩人張言泮宮之美以為淮夷亦將來慕也能悟覺
而從化者彼淮夷也今就魯國獻其琛寶有尺二寸
之大龜有象齒又大遺以南方之金亦頌禱之辭

泮水八章章八句

閔宮

閔音秘

頌僖公能復周公之宇也

箋曰宇居也○疏曰謂上地居處也

○蘇氏曰所謂居常與許復周公之宇者人之所以願之而其實則未能也○李氏曰魯以諸侯之國而祀姜嫄后稷周之先王不可也○鄭天○祭亦不可也○此詩示諄報不亦過乎○黃氏曰僖公在位三十三年伐邾者四敗莒滅項者一此魯之自用兵也其四年伐楚侵陳六年伐鄭是時齊威公方稱伯主兵率諸侯之師而魯亦與焉爾二年八年閔許是時晉文公方稱伯主兵率諸侯之師而魯亦與焉爾春秋所記凡魯之自主兵者皆邾莒項之小國至於所伐大國皆齊晉主兵則庸蔑狄懲荆舒奄龜蒙荒大東荒徐宅至于海邦淮夷蠻貊及彼南夷莫不率從在僖公果有是乎

閔宮止為僖公能脩寢廟張大其事而為頌禱之辭

猶斯干之意耳序摘詩中復周公之宇一語以題之

閔宮有恤

音漁○傳曰閔閉也○伍清靜也○朱氏曰閔深閉也○呂氏曰閔宮魯廟非姜嫄廟也

實實枚枚

蘇氏曰實實鞏固也○傳曰故故壘密也壘音麓

赫赫姜嫄

音元
○

著赫
也顯

其德不回上帝是依無災無害彌月不遲

終也終彌

十月而生
子不遲晚

是生后稷降之百福

曹氏曰后稷以此開國
以至子孫為帝王所謂

也百福

黍稷重穋

重平聲穆音六○今考重字亦作撞穆字亦作桂

稗菽麥

音植

植秬音雉○傳曰先種曰秬後種曰秠○疏曰重糶秬
秬生熟早晚之異秬耳非穀名先種曰秬後種曰秠常

謂先種先熟後種後熟但傳畧而不言其熟耳七月傳曰後熟曰重先熟曰稂天官內宰鄭司農注云先種後熟謂之種後種先熟謂之種是傳亦畧而不言其傳與此互相明也

奄有下國

朱氏曰克封之邠也

俾民稼穡有稷有黍有稻有秬

音巨○箋曰秬黑黍也

奄有下土

劉氏曰奄有下土書言后稷建邦啓土是也夫如是則民附之而無此疆爾界矣故能奄有下土也語言稷躬稼而有天下是也奄有下國所以原其始奄有下土所以要其終

績禹之緒

傳曰緒業也○錢氏

曰至武王遂能奄有天下繼禹之業

作者將美僖公追述遠祖上陳姜嫄后稷至於大王文武爰及成王封建之辭魯公受賜之命言其所以

有魯之由也魯之羣廟其宮深閤儼然清淨又實實然鞏固孜孜然細密既言其廟遂推本周家所由興言赫赫乎顯著者姜姓之女名嫫也其德不回而有常天用是憑依其身使之有子無災殃無患害彌終十月而生子不遲晚其所生者乃是后稷天降與之以百種之福使之有黍有稷有先種後熟之重後種先熟之糝先種先熟之種後種後熟之種又有菽與麥以此覆有下國而受封於郃使民知稼穡之道也

復申說其事有稷黍稻秬後世脩后稷之業遂有天

下繼禹之業也

后稷之孫實維大王

大音泰

居岐之陽實始翦商

箋曰翦斷也大

王有王迹故云是始斷商斷音短

至于文武纘大王之緒致天之屆

音成

○王氏曰屆至也○今曰小并不知所屆

于牧之野無貳無虞

箋曰虞度也

上帝

臨女

音汝

敦商之旅

郭鄭音卑徐如字

克咸厥功

箋曰敦治也旅衆也咸同也○

今日敦敦謂治而正之言伐商也伐商之衆謂我之上衆旅猶敦琢其旅之旅十亂一心三千同德是也同其

功謂其成其功也

后稷之孫實維大王自豳而來居於岐山之南民往
歸之初有王迹實始有斷商之萌兆也至于文王武
王繼繼大王之緒業前乎此天雖眷周而天命未至
及牧野之戰天命至矣實文武之德有以致之故曰
致天之屈于牧之野也唯天命已至故武王無有疑
貳無有虞度上帝實臨之上順天心也與伐商之羣
衆同其功下順人心也豈武王之私欲哉

王曰叔父

傳曰王成王也。○
箋曰叔父周公也。

建爾元子

傳曰元首也。○
李氏曰元子封

於魯其餘則凡蔣邢
茅胙祭焉祭音再

俾侯于魯大啓爾宇

傳曰宇居也
○今曰箋謂

封以七百里今不從○王氏曰孟子云周公之封於魯
為方百里也地非不足也而儉於百里○李氏曰詩人

言大啓爾宇不過為周室輔乃命魯公箋曰魯公
伯禽也俾侯

于東箋曰東東
諸魯國錫之山川導江鮮于氏曰山川
謂境內之山川也土田附

庸導江鮮于氏曰孟子云不能五十里不達於天子附
於諸侯曰附庸○疏曰論語云夫顓臾昔者先王以

為東蒙主是社稷之臣顓臾魯之附庸謂之社稷之臣
者以其附屬於魯亦謂魯之社稷○李氏曰春秋之時

有邦國亦魯之附庸也周公之孫莊公之子傳曰謂
僖公也龍旂承祀曹氏

曰司常言日月為常王建之交龍為旂諸侯建之僖公
雖僭郊天之禮而猶以龍旂承祀不建太常猶不敢全

僭天子禮也而明堂位乃曰日月之章則又過矣

六轡耳耳

六轡解見駟儀也

春秋匪解

音解○變曰春秋猶言四時也

享祀不忒

曰

忒變也○李氏曰差忒也

皇皇后帝

李氏曰皇皇天之至也

皇祖后

稷享以騂犧

傳曰騂赤也犧純也○箋曰魯郊祭天配之以君祖后稷其牲用赤牛純色與天子

同也○李氏曰祭統亦云昔者周公旦有勲勞於天下周公既沒成王康王追念周公之所以勲勞者而欲享

魯故錫以重祭外祭則郊社是也內祭則大嘗禘是也明堂位祭統皆漢儒所作故其所言皆未可信也禮運

又曰魯之郊禘非禮也周公其衰矣禮記之書如禮運以為魯不當郊禘如明堂祭統以為魯常郊禘其異同

如此當從禮運之說伊川嘗謂說者以周公能為人臣不能為之功故得用人臣不得用之禮夫人臣豈有

不能為之功哉使功業過於周公亦人臣所當為之天
下之事非人臣為之而誰為之以此觀之則知賜魯之
禮樂者非成王為之春秋書郊多矣大抵識其借春秋
以為僭而詩乃以為美則知所美非美也左氏云皇皇
后帝皇祖后稷君子曰禮謂其先帝而後稷也夫先天
而後稷固足以為禮然不知諸侯而用郊禘果可以為
禮乎僖公三十一年四月卜郊不從乃免牲夫以四
月之時而卜郊足以見非禮也卜至於四月以見其非
禮安在其為春秋匪解也哉安在其為享祀不咸也哉
詩人之言大抵失之誇也○詩故曰魯之郊是僖公之
僭禮也春秋自隱桓以下不書郊亦不識其廢禮知魯
之郊自僖公以始其得謂成王以錫周公乎公羊云魯
郊非是饗是宜劉氏曰言其安而適之降福既多周公
禮也

皇祖

箋曰此皇祖謂伯禽也

亦其福女秋而戕嘗

箋曰戕始也○疏曰毛以為則

夏而福衡

角以福之也。釋文曰：福，通也。○傳曰：福衡，設牛

祭於夏則養牲福衡以牛角為其觸觝人也。秋嘗而言

始者秋物新成尚之也。○疏曰：地官封人注云：福設於

角衡設白牡駢剛。○傳曰：白牡，周公牲也。駢剛，魯公牲也。

公何以為牲？周公用白牡，魯公用駢剛。犀公不毛，何休

云：白牡，殷牲也。周公死，有王禮謙不敢與文武同也。魯

公諸侯不嫌也。故從周制，說文云：剛，犧尊將將，字鄭素

特也。白牡謂白特，駢剛謂亦特也。犧尊將將，字鄭素

河反。將，音鎔。○朱氏曰：犧尊，畫牛於尊腹也。或曰：魚

尊作牛形，鑿其背以受酒。○疏曰：將將，盛美也。

毛魚，魚音包。藏音恣。美音庚。○傳曰：毛魚，豚也。藏肉也。

藏，羹也。○疏曰：封人祭祀有毛魚之豚，注

云：爛去其毛而魚之也。曲禮注云：藏，切肉也。大羹者，羹

肉汁不和銅羹肉味之有菜和者也。大羹謂大古之羹。

銅羹謂盛之銅器其大羹則盛之於
登爛徐廉反字亦作燂燂湯中淪肉
遷豆大房傳曰大房半體

之俎也○箋曰玉飾俎也○疏曰明堂位云俎有虞氏
以琬夏后氏以麋殷以楨周以房俎注云琬斲木為四

足而已麋謂中足為橫距之象楨謂曲撓之也房謂足
下跗也上下兩間有似於堂房然是俎稱房也周語云

禘郊之事則有全燕王公立飲則有房燕親戚燕享則
有般燕如彼文次全燕謂全載牲體般燕謂體解節折

則房燕是半體可知禘郊乃有全燕宗廟之祭唯房燕
耳明堂位稱祀周公於太廟俎用琬麋此云大房蓋魯

公之廟用大房也琬音歎麋音歎萬舞洋洋今曰詩記以萬舞為二舞之總

名解見邶簡兮箋以為千舞孝孫有慶俾爾熾而昌熾音

熾尺志反○疏曰俾爾壽而臧箋曰臧善也○曹氏曰壽而好德也保彼

東方

箋曰保安也

魯邦是常

箋曰常守也

不虧不崩

疏曰虧損也○箋

曰虧崩皆謂毀壞也○曹氏曰不虧不震不騰傳曰震動也○朱氏曰震騰驚動也皆不安之意○曹氏曰不震則如地之常靜不騰則如水之常平

三壽作

朋

箋曰三壽三卿也

如岡如陵

此說封魯之事成王告周公曰叔父我今立汝首子

使之為侯於魯國大開女之上字言封以百里為周

家之藩輔也既告周公乃策命魯公伯禽使為侯於

東方之魯國賜之以境內之山川又賜之以境內之

土田又賜之以小國之附庸使四鄰小國附屬之至
於今日周公之孫莊公之子謂僖公也其車建交龍
之旂承奉宗廟祭祀所乘四馬其六轡耳耳然至盛
春秋四時非有解怠獻享祭祀無有差忒皇皇至大
之天帝及君祖后稷獻享以騂赤純色之牲天與后
稷於是歆而饗之安而宜之其降與之以福既甚多
矣非特天與后稷降之多福而周公與君祖伯禽亦
福於女僖公矣復說祭祀得禮之事將於秋而始嘗

祭先於夏而豫養牲其所養之牛設橫木於角以逼之謂之楅衡令其不得觝觸人也所養者是祭周公白色之牡牲與魯公赤色之剛特其祭之時有盛酒之尊其尊腹之上飾畫犧牛將將然而盛美也其饌則有爛去其毛而烹之之豚又有切肉之載又有大羹鉶羹其食器則有籩豆又有載牛體之大俎如堂房然謂之大房鼎俎已陳籩豆已列於是奏樂舞執干戚而為萬舞者洋洋然衆多由此祭祀得禮故祖

考祐之令孝孫僖公有福慶也使爾熾盛而昌大使
爾壽考而臧善保安彼東方魯國是守不虧損不傾
頽不震動不乘騰國有壽考之三卿與作朋友皆如
岡陵之固祝其君臣同慶也

公車千乘

去聲○傳曰大國之賦千乘○疏曰大國之賦千乘司馬法兵車一乘甲士三人步卒七

十二人計千乘有七萬五千人則是六軍矣與下公徒三萬數不合者二者事不同也禮天子六軍出自六鄉萬二千五百家為鄉萬二千五百人為軍地官小司徒凡起徒役無過家一人是家出一人鄉為一軍此則出車之常也天子六軍既出六鄉則諸侯三軍出自三鄉下云公徒三萬自謂鄉之所出非此千乘之衆也此云

公車千乘自謂計地出兵非彼三軍之事也二者不同
故數不相合○李氏曰按司馬法六尺為步步百為畝
畝百為夫夫三為屋屋三為井井十為通通十為成成
出革車一乘則千乘其地方二百一十六里有奇若以
孟子所言周公封於魯地方百里則無緣有千乘也若
以明堂位所言封周公於曲阜地方七百里則人不啻
有千乘司馬法之言既不合於孟子又不合於禮記不
足信也○今日魯頌多夸大之辭不必求其數之盡合
也

朱英綠滕

音騰○傳曰朱英矛飾也滕繩也○疏曰
綠鱗而朱染之以為矛之英飾弓束以綠

繩小戎竹閉緹滕謂約
之以繩非訓滕為繩

二矛重弓

傳曰重弓重於皂中
也○箋曰二矛重弓

備折公徒三萬

箋曰大國三軍合三萬者舉成數也○
疏曰今以春秋驗之則僖公無三軍襄

十一年經書作三軍明以前無三軍也昭五年又書作
中軍鄭以周公伯禽之世合有三軍僖公能復周公之

宇遵伯禽之法政以三軍解之其實於時唯二軍耳○
李氏曰天子之國不啻有六軍所用者惟六軍而已大
國不啻有三萬公徒所用者惟三萬而已使舉國之人
而盡用之則但可以一役苟不幸而敗則安得人人而
復用之哉此天子之國所以止用六軍大國所以止用
三軍也自伯禽以來已有三軍僖公與其國所以有公
徒三萬觀詩曰大啟爾宇既謂之大啓爾宇豈得無三
軍即伯禽以來已有三軍襄公所以作三軍者則以魯
國三鄉專魯國之權分三軍以為已之賦貝冑朱綬冑
故作三軍非是自襄公以來方有三軍也貝冑朱綬冑
由綬音纖又音侵○傳曰貝冑貝飾也朱綬以朱綬綴
之○疏曰貝者水蟲甲有文章也冑謂兜鍪也非為冑
之物故知以貝為飾朱綬直謂赤綬耳謂以朱綬連綴甲也
是膚傳曰膚當也荆舒是懲疏曰楚一名荆犀舒楚之與國○箋曰懲艾也艾音刈則

莫我敢承

傳曰承止也。○李氏曰泮水之詩美僖公能服淮夷皆無是事而美之則庸戎狄而懲荆

舒未必不如其服淮夷也。辭如足之重複者蓋祝頌之辭其例如此也。

俾爾昌而熾俾爾

壽而富黃髮台背

解見行輩

壽胥與試

箋曰胥相也。○曹氏曰老人髮白而更黃

背皺如鮐魚皮如是者相與試用則不特三俾爾昌而

大俾爾耆而艾

五蓋反

萬有千歲眉壽無有害

公之兵車有大國千乘之賦矣每一車上皆有三人

右人持矛其矛有朱色之英飾左人持弓其弓有綠

色之繩縢約之此朱英綠縢者是二矛重弓也必二

必重者備折壞也又公之徒衆有三萬人矣萬二千
五百人為軍大國三軍合三萬七千五百人言三萬
舉成數也此徒衆其冑以貝飾之其甲又以朱綫連
綴之進行之徒增增然衆多西戎北狄有來侵者以
此膺當之荆楚羣舒叛逆者以此懲創之無有於我
敢禦止之者此皆頌祝之辭也又祝使汝昌大而熾
盛使汝昌考而富足又髮有黃色背有鮐魚文之壽
者相與試其才以為之用欲其所用皆老成人也又

重慶之使汝昌而且大使汝耆壽而且老父萬有千
歲得秀眉之壽而無有患害也萬有千歲猶曰千歲
萬歲也

泰山巖巖

疏曰泰山在齊魯之間二國皆以為望也

魯邦所詹

傳曰詹至也

奄有

龜蒙

箋曰奄覆也○傳曰龜山也蒙山也○疏曰春秋定十年齊人來歸郕讎龜陰之田謂龜山之北田

也論語說頗史主蒙山

遂荒大東

傳曰荒有也○箋曰也魯之境內有此二山

荒奄也大東極東也

至于海邦

箋曰近海之國也

淮夷來同莫不率從魯侯之功

言泰山之高巖巖然魯之邦境所至也又奄有龜山

蒙山遂荒奄極東之地至於近海之國淮夷舊不服者亦內向而不為異凡此東方之國莫不相率而順從是魯侯僖公之功也願之之辭也

保有鳧繹

鳧音符繹音亦字又作嶧○傳曰鳧山也繹山也○疏曰禹貢徐州嶧陽孤桐謂嶧山之

陽有桐木也

遂荒徐宅

傳曰宅居也○曹氏曰禹貢徐州之地而魯宅之故曰徐宅

至于

海邦淮夷蠻貊

音陌及彼南夷疏曰南夷謂荆楚

莫不率從莫敢

不諾

箋曰諾應辭也

魯侯是若

傳曰若順也

僖公又安有鳧山繹山遂荒奄徐州之居至于近海

之國若淮夷也南夷之蠻也東夷之貊也又及彼南方之夷荆楚也莫敢不相率而順從莫敢不應諾其命令唯魯侯僖公之是順此亦願之之辭也

天錫公純嘏

音假○箋曰純大也受福曰嘏

眉壽保魯居常與許

傳曰常許

魯南鄙西鄙○箋曰許詐田也魯朝宿之邑也常或作嘗在薛之旁春秋魯莊公三十一年築臺于薛是與周

公有嘗邑許田未聞也六國時齊有孟嘗君食邑於薛○疏曰常為南鄙許為西鄙或當有所依據不知出何

書也桓元年鄭伯以璧假許田公羊傳許田者何魯朝宿之邑也此魯朝宿之邑為謂之許田諱取周田繫

之許近許也春秋於僖公之世不書得許田蓋經傳闕漏故無其事也○朱氏曰常許皆魯之故地見侵於諸

侯而未復者故魯人是以是願僖公也

復周公之宇魯侯燕喜令妻壽母

朱氏

曰僖公娶於齊曰聲姜母曰成風

宜大夫庶士邦國是有既多受祉黃

髮兜齒

兜音倪字書作𦘔○箋曰兜齒亦壽證○釋文曰兜齒齒落更生細者

言天賜僖公以大福使有秀眉之壽而保守魯國又

能居常邑與許邑以復周公之故居常許魯之故地

而未復者也僖公燕飲而喜樂內有令善之妻壽考

之母又外有大夫衆士與之相宜魯之邦國僖公常

保有之既多受其福又有黃色之髮落而更生之齒

皆壽證也此願其壽考以復魯之侵地宜其室家臣庶以保有其國也

徂來之松

傳曰徂來山也

新甫之柏

傳曰新甫山也

是斷是度

斷音短度音鐸

○疏曰斬斷之量度之

是尋是尺

傳曰八尺曰尋

松栢有烏

栢音角烏音昔○傳曰栢

椽也烏大貌

路寢孔碩

傳曰路寢正寢也○箋曰碩大也

新廟奕奕

音亦○朱氏曰

傳公所脩之廟也○傳曰新廟閭公廟也○箋曰脩舊曰新所新者姜姬廟也○疏曰奕奕廣大也

奚斯

所作

疏曰奚斯公子魚也○傳曰有大夫公子奚斯者作是廟也○箋曰奚斯作者教護屬功課章程也

孔曼且碩

曼音萬○傳曰曼長也

萬民是若

僖公於是乃脩造寢廟取徂來山之松新甫山之柏
於是斬斷之於是用八尺之尋十寸之尺以量之既
量其材乃用松為椽桷有烏然而大為君之正寢甚
寬大而碩又作新廟奕奕然廣大此寢廟乃是公子
魚所作謂監護工役之事也此寢廟甚長曼而碩大
萬民以為順無咨怨不憚勞也○新廟或以為閔公
廟或以為姜嫄廟皆不可知或以為新作之或以為
脩舊而新之然春秋不書則知其非大工役脩舊之

說得之

閔宮八章二章章十七句一章十二句一章三
十八句二章章八句二章章十句

詩緝卷三十五

欽定四庫全書

詩緝卷三十六

宋 嚴粲 撰

商頌

譜曰商者契所封之地至湯則受命武王封微子啟為宋公其封域在禹貢徐州泗濱西及豫州盟豬之野自從政衰散亡商之禮樂七世至戴公時當宣王太夫正考父者校商之名頌十二篇於周太師以邠為首歸以祀其先王孔子錄詩之時則得五篇而已乃列之以備三頌盟音孟○朱氏曰太史公云宋襄脩仁行義欲為盟主其大夫正考父美之故追道契湯高宗之所以興作商頌蓋本韓詩之說諸儒多感之者今考此頌皆天

子之事非宋所有且其辭古奧亦不類周世之文而國語閭馬父之言亦與今序合韓詩太史公之說謬矣張子云商頌之辭粹○曹氏曰契為堯司徒敷五教賜姓子氏封之於商今上雖商是也在漢屬弘農郡十四世而至湯凡八遷都湯始居商丘後徙居亳從先王居蓋帝嘗嘗都之也自湯十九世而至盤庚其間又復五遷盤庚始居河北其後遷河南復居亳之殷地即湯之故都也後世或稱商或稱殷或兼稱殷商先儒謂商有三亳二在梁國一在河洛之間故穀熟為南亳湯所都也蒙為北亳亦曰景亳湯所受命也偃師為西亳所謂河洛之間盤庚所遷也按九域志云今南京有亳城古景亳也木帝嘗之墟湯從都之有亳辛城有帝嘗高辛氏廟有湯廟有伊尹冢南京去亳三十里則北亳其是歟其後武王伐紂成王黜殷殺武庚封微子於宋以主殷祀宋即商丘唐火正閼伯之墟契孫相土因之湯亦嘗居焉後雖遷都於亳而商丘寔為湯後且合於契初受

封之號故稱商云○解順新語曰或者謂周成王始封
熊繹於荆至周惠王之時魯僖公元年始有楚號遂疑
商時未有荆楚乃欲假此以實韓氏宋襄公之說殊不
思荆自帝嚳九州已有荆州之名至禹貢分別山川則
荆及衡陽為荊州乃在南即荆楚也荆岐既旅至于荆
山乃在西蓋雍州之荆非荊州之荆也詩人以有二荆
故以荆楚別荆岐耳既自古有
荆孰謂周封熊繹始有荆哉

那乃河

祀成湯也微子至于戴公

疏曰凡十君除二及
餘八君是微子之後

七世至

其間禮樂廢壞

箋曰禮樂廢壞者君怠慢於為
政不脩祭祀朝聘養賢待賓之

事有司忘其禮之儀制樂師
失其聲之曲折由是散亡也

有正考甫者

疏曰孔子得
七世之祖

商頌十二篇於周之太師

大音泰○譜曰周用六
代之樂故得有商頌

以那

為首

疏曰祀成湯之樂歌也
大師先以邪為首矣

猗與邪與

猗音伊與音余○潛覽曰猗與歎美之辭猶言美哉也傳曰邪多也○今日桑扈受福不

邪置我鞀鼓

置如字鄭作植鞀音挑○朱氏曰置陳也商人尚聲臭味未成滌蕩其聲樂三閔然

後迎牲即此是也○傳曰鞀鼓樂之所成也○疏曰王制云天子賜諸侯樂則以祝將之賜伯子男樂則以鞀將之注云祝鞀皆所以節樂是樂成亦由鞀也○曹氏曰置則方設之而已既設而奏之春官小師掌教鞀祝敵頃蕭管弦歌又眠瞭凡樂事播鞀擊頌磬笙磬皆以鞀為先鄭康成注大射禮云賓至則搖鞀以奏樂故天子賜伯子男樂則以鞀將之

奏鼓簡簡

箋曰簡簡和也○今日執競

降福

行我烈祖

衍看之去聲○傳曰衍樂也○箋曰烈祖湯也○疏曰湯是殷家有功烈之祖

湯孫奏假

音格毛如字。歐陽氏曰：湯孫，斥主祀之時。王爾自太甲以下至紂，皆可湯孫，不知所斥。

者何？王爾。○今日傳謂湯為人子。孫今不從。○朱氏曰：假，感格也。

綏我思成

箋曰：綏，安也。安我心。

所思而成之謂神明來格也。禮記云：齊之日，思其所居，處思其笑語，思其志意，思其所樂，思其所嗜。齊三日，乃見其所為齊者。祭之日，入室，僂然必有見乎其位，周旋出戶，肅然必有聞乎其容聲，出戶而聽，愾然必有聞乎其嘆息之聲。此之謂思。

鞀鼓淵淵

王氏曰：淵，淵深也。以言其間之遠。

嘒嘒

管聲

嘒音諱。○朱氏曰：嘒，清亮也。○王氏曰：細也。

既和且平，依我磬聲。

傳曰：依倚。

也。○王氏曰：殷尚聲。○箋曰：磬，玉磬也。與玉磬之聲相依。玉磬尊故異言之。○疏曰：磬非樂之主，而云依磬聲，明此異於常磬，非石磬也。書云：戛擊鳴球，謂玉磬也。○朱氏曰：玉磬堂上升歌之樂也。張子云：玉磬聲之最和。

平者可以養心也其聲一定始終如一無隆殺也
蓋執鼓管籥作於堂下其聲依堂上玉磬之聲
於赫

湯孫

於音烏○歐陽氏曰於赫湯孫者謂於赫湯
之孫也不應自稱盛美之孫以誇其先祖
穆穆

厥聲

箋曰穆穆美也○疏曰穆庸鼓有斲
穆然而美者其樂之音聲庸如字依作
鏞斲音亦○

傳曰大鐘曰庸斲斲然盛也○解
見靈臺○箋曰斲斲然有次序

萬舞有奕

音亦○萬
舞解見邶

簡兮○今曰毛鄭以奕為閑習王氏以
為綴兆衆大今從王○奕解見車攻

我有嘉客

箋曰
嘉客

謂二王後及諸
侯來助祭者

亦不夷懌

今曰夷平
也懌悅也

自古在昔

錢氏曰
自古謂

古已後也在昔
謂今已前也

先民有作溫恭朝夕執事有恪

傳曰恪
敬也

顧予烝嘗

疏曰秋
嘗冬

湯孫之將

蘇氏曰將奉也○曹氏曰自
古在昔先民有作者先王有

作於前也顧
予湯孫也

商人尚聲故猗與那與歎而多之美其設此鞀鼓也
鞀雖小鼓所以節樂故首言之既設此鼓而後奏之
簡簡然其聲和大以衍樂有功烈之祖成湯也時王
湯孫奏樂以感格于祖考祭祀則思其祖考若神不
來格則所思不遂今神明來格是安我所思而成之
也其鞀鼓之聲淵淵然深其管聲嘒嘒然清亮皆和
平不相奪倫又依此玉磬之聲也歎美此赫赫成湯

之孫其作樂祭祀之時其聲穆穆然美鏞與鼓鼗
然盛為萬舞者奕奕衆大二王之後及諸侯來助祭
者亦不平夷悅懌乎先民猶言前人也作承上文謂
作樂也言聲樂之盛非今日始作之乃古昔之時前
人所作也謂湯之功大人間其樂而悅懌其來久矣
今溫恭於朝夕之間執事必敬以省眡烝嘗之祭者
乃湯孫之所將奉也謂湯之澤無窮故子孫世世奉
祀焉

那一章二十二句

烈祖祀中宗也

箋曰中宗殷王大戊湯之玄孫也有祭穀之異懼而脩德殷道復興故表顯之

號為中宗○疏曰祀中宗之樂歌也禮王者祖有功宗有德不毀其廟

嗟嗟烈祖

補傳曰言烈祖而云嗟嗟以簡朴故也若周頌則言於穆於皇乃近於文矣○箋曰功烈

之祖成湯○今曰那衍我烈祖亦成湯

有秩斯祜

音戶○傳曰秩常也○蘇氏曰秩秩無窮之福

○箋曰祜福也

申錫無疆

傳曰申重也

及爾斯所

箋曰及女之此所女中宗也言承湯

之業能興之也○朱氏曰斯所猶言此處也○今曰及猶與也猶生甫及申之及

既載清酤

音戶

○傳曰酤酒也 賚我思成

傳曰賚賜也○思成解見那

亦有和羹

箋曰和羹者五味調

腥熟得節○疏曰昭二十五年左傳晏子云和如羹馬水
火醢醢鹽梅以烹魚肉燂之以薪宰夫和之齊之以味
濟其不及以洩其過君子食之以平其心君臣亦然故
曰亦有和羹既戒既平燂闡展二音齊音劑又如字○
曹氏曰銅羹也○詩故曰祭之物備矣然既戒既平朱氏
其曰和羹則合衆味而成者惟羹爲然既戒既平曰戒
宿戒也平平和平也○詩記曰儀禮載祭祀燕享者每始
言羹定蓋以羹熟爲節然後行禮定即戒平之謂也此
所謂既載清醑亦有醲假無言駸音樓假鄭音格毛如
字○傳曰駸總也○箋
和羹皆言祭之始也
曰假至也○今曰
玄鳥四海來假
時靡有爭綏我眉壽黃耆無疆約軼

錯衡

軼音祁

解見采芑

八鸞

音鐙

鸞鸞

八鸞鸞鸞聲和也○八鸞解

見采芑○疏曰鄭於秦風駉鐵之箋云置鸞於鑣異於

乘車禮記云鸞在衡則鄭以乘車之鸞必在衡而此云

乘車禮記云鸞在衡則鄭以乘車之鸞必在衡而此云

鷩在鑣者以鷩之所在經無正文而殷周或以假以享我

受命溥將

蘇氏曰溥且大也○歐陽氏曰我時王受天命溥將

自天降康

寬曰下平安之

福豐年穰穰

如羊反○執競傳曰穰穰衆也○疏曰穰穰每物豐多也○朱氏曰天降以豐年黍

稷之多使得以祭也

來假來饗

歐陽氏曰上云以享者謂諸侯來助致享於神也下云來饗者謂

神來至而飲饗也

降福無疆顧予烝嘗湯孫之將

疏曰中宗之饗此祭由湯

之功故本言之雖中宗之子孫亦是湯遠孫故亦得言湯孫也

嗟乎我烈祖成湯有秩秩之常福以申錫後人之無

窮也時祀中宗故以此所指中宗故及爾中宗者謂

湯創之中宗興之商祚久長皆湯及爾中宗為之故
以中宗配創造所以大中宗之功也今我祀中宗之
時既載清酒於樽以酌獻故神明賜我所思而成之
謂其來格也亦有和羹其事既戒謹而不苟其味既
和平而適宜執事之臣總至而無譁又不交侵其職
位以有紛爭所以神明安我以眉壽黃耆之福也諸
侯來助祭者其車以皮纏約其軼又有文錯之衡其
八鸞之聲鶴鶴然和以此格神以此獻神我時王受

天命廣大天降以康安之福使豐年黍稷之多穰穰
然也年豐則民安故以年豐為降康亦謂之康年也
以格神而神來格以享神而神來饗降以無窮之福
也今省顧烝嘗之祭無所不致其謹者乃湯孫之所
將奉辭與那頌同而意各有所主那美湯此詩美中
宗謂湯之子孫世世奉烝嘗之祭者以中宗中興之
功也

烈祖一章二十二句

玄鳥祀高宗也

箋曰高宗殷王武丁中宗玄孫之孫也
有鳴雉之異又懼而脩德殷道復興故

亦表顯之號為高宗云
疏曰祀高宗之樂歌也

此詩祀高宗而先述祖德謂其能中興不墜先烈也

天命玄鳥

傳曰玄鳥鳥也鳥音乙○李氏
曰燕也其色黑故謂之玄鳥

降而生商

傳曰

春分玄鳥降湯之先祖有娥氏女簡狄祈于郊謀而生
契故本其為天所命以玄鳥至而生焉○箋曰契有功
封商○疏曰記其祈福之時美其得天之命故言天命
玄鳥使下生商也玄鳥之來非徙天至而謂之降者重
之若自天來然宅殷土芒芒箋曰湯始居亳之殷地而受命國
日益以廣大疏曰殷是亳地之小

別○傳曰
芒芒大貌

古帝命武湯

箋曰有威武
之德者成湯

正域彼四方

今曰
以四

方為方命厥后鮮于氏曰隨其所在之方而命羣后也

也奄有九有傳曰九有九州也○箋曰覆有九州為主也商之先后疏曰先

也受命不殆疏曰殆危也在武丁孫子傳曰武丁高宗也○

命所以不至危殆者在武丁孫子武王靡不勝毛音升

聲○疏曰毛以為武丁善為人之孫子鄭音去龍旂十乘去聲

行其武德之王道無所不勝任之也龍旂十乘

旂解見出車○箋曰十乘者二王後八龍旂十乘

州之大國○疏曰八州大國謂州牧也大糖是承

箋曰糖泰稷也○李氏曰武丁邦畿千里傳曰畿維民

所止曾氏曰人於其所歸起則止焉商聲域彼四海疏

之威時邦畿千里民所歸之也曰疏

摩當訓為始王肅云殷道衰四夷來侵至高宗然後始
復以四海為境域也○朱氏曰言王畿之內民之所止

不過千里而其封域則極乎四海之廣也四海來假音格○箋曰假至也來假祁祁箋曰

祁祁衆多也景員維河員毛音圓鄭音云○傳曰景大也員均也○朱氏曰河商所都如盤庚民

不肯涉河以遷即此河也景員維河則以諸侯輻湊而至于河也殷受命咸宜百祿是

何○箋曰謂據負天之多福

契母簡狄於春分玄鳥至之日祈于高禖而生契故

推本言之謂殷之興非人所能為也乃天命此玄鳥

使下而生此商國契封於商其後因之以為一代有

天下之號言生商謂生契也契封於商而商因以興
是生契所以生商也其後子孫遂居亳之殷地國土
芒芒然廣大謂湯也始居亳殷也古者上帝命其威
武之湯令其正域於四方謂以四方為界域天下一
統也湯承帝之命乃隨其方以施命令於諸侯遂覆
有九州即所謂域彼四方也以四方為界域則九州
在其中矣天命湯以四方為域湯能命其諸侯而奄
有九有成天意也先后即成湯成湯之興天實命之

其後中微天命幾危矣武丁能振起之故言成湯所
受天命不至於危殆者在武丁能為人之孫子盡繼
述之義也又言武丁所以能為人之孫子者以有威
武之王德無所不勝任故當時諸侯服從皆來助祭
有建龍旂者十乘於祭之時有大黍稷之食諸侯奉
承而進之也十乘舉諸侯之尊者言之謂二王後及
八州之牧也邦畿之內地方千里維是民之所安止
也言民志定也湯本以四方為域今言始以四海為

域者殷道中微侯國有畔者故疆土非先王之舊至
高宗中興始復之也京師諸夏之根本王畿之內人
心安定則四海之大皆在統理之內故四海皆來朝
覲其至也祁祁然而多河都有廣大均平之象諸侯
輻湊則京師氣象盛大於是總美殷家前後相承受
天之命無有不宜能負何天之百福謂成湯至高宗
也○或以武丁孫子為武丁之孫子然子孫祀其先
王而夸言已之武德義未為安况武丁之後無顯王

乎○今考自湯至盤庚五遷湯遷亳仲丁遷囂河亶
甲居相祖乙遷耿盤庚又遷亳亳囂皆在河南相耿
皆在河北自盤庚之後傳三世至武丁又傳四世至
庚丁凡八世皆居亳庚丁之子武乙始去亳徙河北
此詩所言河正指亳也亳有三蒙為北亳穀熟為南
亳偃師為西亳湯自南亳遷西亳盤庚所遷即西亳
偃師是也

玄鳥一章二十二句

長發大禘也

禘音第○疏曰大禘之樂歌也○王氏曰雖序以為禘大祖周無四時之禘故也今

曰大禘則商有四時之禘故也四時之禘為小則禘其祖之所自出為大○橫渠張氏曰禘其祖之所自出則

禘嘗○呂氏曰古者天子諸侯三年喪畢皆合先祖之神而享之以生時有慶集之懼死應備合食之禮故時

祭之外復為禘禘也虞夏商皆以間歲為之周則五年而再盛祭

濬哲維商

濬音峻○傳曰濬深也○李氏曰猶書所謂濬哲文明也惟其德之深故不溺於褊淺惟

其德之明故不至於昏塞長發其祥箋曰長猶久也久商之先世皆有深智之德發見其頤祥矣

洪水芒芒

傳曰洪大也

禹敷下土

呂氏書說曰禹先分布九州之上地規畫既定然後

用方外大國是疆

傳曰諸夏為外○疏曰對京師為外也疆謂彌成五服之時也詩言商興

所由止頒言契而已乃述禹敷下土者以契禹幅隕既俱事帝堯皆有大功故將欲論契先言洪水也

長

幅音福隕音圖徐音雲○傳曰幅廣也隕均也○疏曰幅如布帛之廣也禹平治水土中國既廣平且長

也

有城方將

城音菰○傳曰有城契母之姓婦人以姓為字○箋曰

禹敷下土之時有城氏之國亦始廣大

帝立子生商

今日子女也大明大邦有子○疏曰天為

之生立其子而使之生商謂天

有深濬明哲之德者維我商家也久發見其興王之

祥矣時未興王其祥先見也蓋自洪水茫茫禹分布

下土而治之其方外諸夏之大國皆畫其疆界各正

其守使中國廣大均平而且長遠當此之時契母有
娥氏之國方大而天為之立其子簡狄使之生商商
者一代有天下之號生商謂生契也契封於商而商
因以興是生契所以生商也此非祥之久發見乎

玄王桓撥

傳曰玄王契也撥治也○疏曰國語云玄王勤商十四世而興玄王為契明矣國語又云

我先王后稷又曰我先王不窋是其為王之祖非追號為王也○歐陽氏曰書稱格王寧王蓋古人往往以美

稱加王兩玄者深微之謂也老氏言玄之又玄是矣不必為黑也○蘇氏曰桓武也受小國是達

受大國是達

王氏曰受小國是達受大國是達者隨所受大小能達其道也達與在邦必達同意

率履不越

王氏曰循行無所踰也
錢氏曰不越於道

遂視既發相土烈烈

相去聲○傳曰相上

海外有截

寬曰截整齊也相土居夏后之世承契之業入

契孫也烈烈威也

為王官之伯出長諸侯其威武之盛烈烈然○疏曰相

土止為一國之君而已不得威行海外今云海外有截

故知入為王官之伯出長諸侯也僖四年左傳管仲說

太公為王官之伯云五侯九伯汝實征之以夾輔周室

是王官之伯分主東西得征其所職之方分主東西則

威加一面而已而云四海者不知所主何方故總舉四

海言之截然整齊謂守其所職不敢內侵外畔也王肅

云相土在夏為司馬之職掌征伐也說春秋者亦以太

公為司馬之

官與鄭異

玄王尊契之稱玄者稱其德之深微也契桓武而能

撥治受小國大國皆能達其道無往不宜循行於道
無所踰越從容中道也斯民遂視傲之而發發矣契
之孫相土入為王官之伯出長諸侯其威武之盛烈
烈然海外率服戡然整齊

帝命不違

蘇氏曰
達去也

至于湯齊

蘇氏曰至湯而王
業成與天命會焉

湯降不

遲

傳曰不遲言疾也○蘇氏曰湯
之所以自降下者甚敏而不遲

聖敬日躋

傳曰躋升
也○李氏

曰湯能降已不
遲故德日進

昭假遲遲

假毛音格
鄭音暇

上帝是祗

笺曰祗
敬也

帝命式于九圍

傳曰九圍九州也○李氏
曰帝命之為法於天下也

商自契以來天命所嚮未嘗去之然自湯而後與天
齊謂王業至此而成天命至此而集天人適相符合
也湯之謙抑所以自降下者甚敏而不遲故聖敬之
德日以躋升也敬為聖人之敬言至誠也日躋言至
誠無息也德日新又日新是聖敬日躋之實即文王
之純亦不已也其昭格於天遲遲甚緩言湯無心於
得天付之悠悠也湯無所覬倖故唯上帝是敬其誠
專一然天自命之以為法於天下使為王也

受小球大球

音求○傳曰球玉也○王氏曰小國大國所贄之瑞也

為下國綴旒

綴徐張衛反本音輟○箋曰綴猶結也旒旌旗之垂者也結定其心如旌旗之旒繆著焉繆音杉著直略反○

疏曰綴著於繆也襄十六年公羊云君若贄旒然言諸侯反繫屬於大夫也此言綴旒丈與彼同秋官大行人

及考工記說旌旗之事皆云九旒七旒爾雅說旌旗云繆旒九是旌旗垂者名為旒也○詩故曰旂所垂為旒

衆旒所著為繆何天之休

何上聲

不競不綈

音求○箋曰競爭也○傳曰綈急也不

剛不柔敷政優優

傳曰優優和也

百禄是道

慈秋反○傳曰道聚也

湯受小國大國所贄之瑞諸侯心繫天子如旌旗之

旒綴著於繆諸侯皆服屬於我此所以負荷上天之

福也湯又不爭競不急躁不太剛猛不太柔弱陳政教則優優而和故百祿聚而歸之

受小共大共

毛音恭鄭音拱○王氏曰小國大國所共之貢也○今曰無逸萬邦惟正之供為

下國駿虬

駿音峻一音俊虬莫邦反○傳曰駿大也虬厚也○曹氏曰小國大國共貢賦所以享上

也然皆出於民力惟薄取之而不使其傷財害民則厚下之道也

何天之龍

鄭作寵如字敷

奏其勇不震不動不難不竦

難奴版反○傳曰難恐也悚懼也

百祿是

總

湯受小國大國之共貢惟薄取之所以大厚天下非

謂既受而復散之也故能何天之榮寵又陳進其勇
不震驚不搖動不難恐不悚懼毅然以天下自任此
百禄所以總而歸之也

武王載旂

蒲貝反○傳曰武王湯也旂旗也○疏曰載其旌旗○曹氏曰載旂則指其所伐之國也

有虔秉鉞

音越○補傳曰虔敬也○今曰鉞揚也解見公劉

如火烈烈則莫我

敢曷

王氏曰曷者誰何之謂也

苞有三蘂

五葛反○傳曰苞本也蘂餘也○朱氏曰蘂旁生萌

蘂也言一本生三蘂本則夏

莫遂莫達九有有截

箋曰齊壹

然截韋顧既伐昆吾夏桀

箋曰韋豕韋彭姓也顧昆吾皆已姓也三國黨於桀惡湯先伐

韋顧昆吾夏桀
則同時誅也

有威武之王成湯載其旗旆虔敬以秉持其鉞恭行
天討也其威勢如猛火烈烈之盛莫敢誰何者一本
生三桀桀為亂首韋也顧也昆吾也以惡相濟然莫
能遂達其惡於是九州截然齊一以歸于湯湯則先
伐韋顧次伐昆吾夏桀也

昔在中葉

傳曰葉世也

有震且業

疏曰震懼也。傳曰業危也。業業有考見常武。

錢氏曰書云肇我邦于有夏若苗之有莠若粟之有秕小大戰戰罔不懼于非辜所謂震且業也

允也

天子降予卿士

箋曰下予之卿士謂生賢佐也○疏曰言卿士者三公兼卿士也○卿士又解

見十月之交

實維阿衡

傳曰阿衡伊尹也○箋曰阿倚也衡平也伊尹湯所依倚而取平故以為

官實左右商王

左右音佐又○箋曰商王湯也○劉氏曰禘于太祖則功臣與祭故言伊尹也

昔在中世湯未興之前國弱而震懼危業信哉天愛湯而子之乃為之生賢降予以卿士卿士謂誰實維伊尹為阿衡之官而佐助成湯以定天下也

長發七章一章八句四章章七句一章九句一

章六句

殷武祀高宗也

疏曰祀高宗之樂歌也

捷彼殷武

捷音闡○傳曰捷疾意也○曹氏曰言其兵威神速所謂迅雷不及掩耳也○朱氏曰殷

武殷王之武也○錢氏曰謂殷之有武者莫高宗若也

奮伐荆楚

傳曰荆楚荆州之楚國也○疏

曰周有天下始封熊繹為楚子於武丁之世不知楚君何人也○李氏曰荆楚在商周之時為夷狄之國世亂

則先叛世治則後服當湯之時必不敢抗衡中國及商室中微往往為中國患此高宗所以討之也

其阻

栗音彌阻音祖○傳曰栗深也○箋曰阻險阻也

哀荆之旅

哀蒲侯反○傳曰哀聚也

有截其所

曹氏曰王師所在截然無敢犯之者猶常武所謂截彼淮浦王師之所也

湯孫之

緒

朱氏曰湯孫謂高宗也

捷然而疾者殷王之武也奮伐荊州之楚國深入其險阻之地哀聚其衆伐罪而安其民也故所伐之處所截然齊一此湯孫高宗之功業謂其功足以繼湯也

維女荊楚

女音汝

居國南鄉昔有成湯自彼氐羗

氐音低○箋曰

氐羗夷狄國在西方也

莫敢不來享

箋曰享獻也

莫敢不來王

箋曰世見曰王

○疏曰氐羗遠夷一世而一見於王秋官大行人云九州之外謂之蕃國世一見謂其國父死子繼及嗣王即位

乃來朝是之謂世見也

曰商是常

朱氏曰此商之常禮也

二章言責楚之義爾荆楚居國南方比之氐羌則近國耳成湯之時自彼氐羌猶莫敢不來獻享莫敢不來朝見謂此禮是商之常也况汝荆楚曷敢不至哉

天命多辟

音壁下同○傳曰辟君也○箋曰多衆也衆君諸侯也

設都于禹之績

箋曰禹平水土彌成五服而諸侯之國定是以云然

歲事來辟

箋曰來辟猶來王也

勿予禍

適

音謫○傳曰適過也

稼穡匪解

音懈

既伐荆楚諸侯畏服故言天命諸夏之君凡建國于禹功之內者咸以歲事來見於王以祈王之丕譴曰

予稼穡匪解庶可以免咎矣

王氏曰高宗能治夷狄故天下無有不服

天命降監

箋曰降下也

下民有嚴不僭不濫不敢怠遑命于

下國封建厥福

傳曰封大也

上章言天命諸侯朝于天子此章言天命天子以察

諸侯天命高宗降監諸侯之國有嚴敬其民賞不敢

僭刑不敢濫不敢怠遑者則命于下國而封殖之以

福也○此章從王氏也舊說謂天降監於民命湯由

七十里以王天下此詩首章便從高宗說起言自彼

成湯者述高宗援湯以責楚之辭耳非專述湯事也不當於此章攬入成湯上下章文意皆不貫矣

商邑翼翼

傳曰商邑京師也○錢氏曰翼翼整治貌翼翼考見采薇

四方之極赫赫

厥聲

疏曰赫赫顯盛也

濯濯厥靈

疏曰濯濯光明也○李氏曰大也

壽考且寧

以保我後生

商邑之治翼翼然嚴整乃四方之中言政教取正於此也聲譽赫赫乎顯盛威靈濯濯乎光明高宗中興之盛如此宜享壽考康寧之福而且可以安後嗣子

孫也

陟彼景山

疏曰景山大山也

松柏九九

傳曰九九直也○錢氏曰圓直也

是斷

是遷

○斷音短○傳曰遷徙也○疏曰謂徙之來歸也

方斲是虔

斲音卓○疏曰方正也○釋文

曰斲斲也○傳曰虔敬也○錢氏曰虔盡力也

松栢有挺

丑連反○傳曰挺長貌

旅楹有

閑

箋曰旅衆也○疏曰閑大也○錢氏曰閑整也

寢成孔安

升彼大山取松柏九九然圓直者斬斷之遷徙之又

方正而斲之工匠之事莫不虔敬以松為屋之楹栢

挺然而長其衆楹柱有閑然而大廟中之寢既成以

安高宗之神也此蓋廟成始祔而祭之之詩也

殷武六章三章章六句二章章七句一章五句



詩緝卷三十六